


尚書今古文注疏

二



尙書古今文注疏

(二)

孫星衍撰

尚書今古文注疏

卷三

禹貢第三上 虞夏書三

疏

賁者廣雅釋詁云上也。稅也。釋言云。獻也。楚語。觀射父曰。天子之田九職。王取經入焉。以食萬官。注云。經。常也。常入征稅也。詩甫田傳云。彼太古之時。以丈夫稅田也。歲取十千於井田之法。則一成之數也。九夫爲井。井稅一夫。其田百畝。井十爲通。通稅十夫。其田千畝。通十爲成。成方十里。成稅百夫。其田萬畝。欲見其數。從井通起。故言十千。上地穀畝一鍾。據此。則黃帝制井田。當有稅夫之法。即賁也。史記五帝本紀云。軒轅乃習用干戈。以征不享。案隱云。謂征諸侯之不朝享者。本或作享。案考工記。注鄭司農云。奠讀爲享。則享即奠。顧命所謂一二臣衛。敢執壤奠。鄭注以爲享禮亦賁也。古有稅民之法。及諸侯賁法。堯時遭洪水。不能修其制。至禹始更作之。夏本紀云。禹乃行相地宜所有。以賁及山川之便利。詩韓奕云。維禹甸之。箋云。禹甸之者。決除其災。使成平田。定賁賦於天子。孟子滕文公篇云。夏后氏五十而賁。殷人七十而助。周人百畝而徹。其實皆什一也。注云。良耕五十畝者。賁上五畝。古以賁當稅。即經所言賦。凡賁之物。不在賦外。故孟子云。夏賁什一也。

禹敷土

疏

史遷敷作傅。馬融曰。敷。分也。鄭康成曰。敷。布也。布治九州之水土。敷一作溥。

疏

史公敷作傅者。夏本

紀云。禹乃遂與益后稷奉帝命。命諸侯百姓。與人徒以傳土。傳與敷音相近。蓋釋傳爲治也。孟子滕文公篇云。舉舜而敷治焉。注引經云。是言治其土也。廣雅釋言云。傳。敷也。治水土。非一人之力。故奉帝命。與人徒。馬注見史記集解云。分者。言分爲九州。漢書地理志注

云數分也。書序云禹別九州。馬義所本。鄭注見周禮大司樂疏。云敷布者。山海經海內經云。帝乃令禹卒布土以定九州。布土卽敷土。詩傳云。敷布也。說文云。專布也。敷。敝也。書傳以敷爲專。音相近。假借字。又鄭注周禮大司樂云。禹治水。傳土。言其德能大中國也。商頌長發云。禹敷下土方。箋云。禹敷下土。正四方。廣大其竟界之時。始有王天下之萌兆。鄭意又以敷爲大者。詩傳云。溥大。詩釋文引韓詩數敷淮漬。云敷大也。荀子成相篇作溥。隨山刊木。史遷隨作行。刊作

表。鄭康成曰。必隨州中之山而登之。除木爲道。以望觀所當治者。則規其形而度其功焉。刊一作榮。亦

作榮。

史公說隨爲行者。廣雅釋詁云。隨。行也。淮南修務訓。隨山榮木。高誘注。隨。循也。循義近行。刊爲表者。周語云。道無列樹。注云。古者列樹以表道。刊蓋削而識之。鄭注見書疏。以刊爲除者。春秋左氏襄廿五年傳云。井埋木。刊注云。刊。除也。刊說文

作榮。云。槎。識也。引此文讀若刊。篆又作榮。又云。槎。表斫也。魯語云。山不槎蘂。注云。槎。斫也。槎。識者。斫木爲識。卽表道也。管子形勢解云。禹身決漬。斬高橋下。以爲民利。蓋古說以刊木爲斬高木以橋下隰也。奠高山大川。史

遷說奠爲定。大傳說高山大川五嶽四瀆之屬。馬融曰。定其差秩。祀禮所視也。史公說奠爲定者。周禮司

奠。讀爲定。杜子春云。奠當爲定。是奠與定通也。大傳說高山大川爲五嶽四瀆者。見史記集解。今大傳脫文。大傳云。五嶽謂岱山。霍山。華山。恆山。嵩山也。江淮河濟爲四瀆。五嶽視三公。四瀆視諸侯。其餘山川視伯。小者視子男。見白虎通巡守篇。五嶽以南嶽爲霍山。今文家說也。見藝文疏。馬氏注見史記集解。書疏及王制疏。引鄭注大傳云。所視者。謂其牲幣粢盛籩豆爵獻之數。非謂尊卑。足證馬義也。冀州旣載。史遷說爲禹行自冀州始。冀州

旣載。馬融曰。載。載于書也。鄭康成曰。兩河間曰冀州。不書其界者。時帝都之。使若廣大然。載之言事事

謂作徒役也。禹知所當治水。又知用徒之數。則書於策。以告帝。徵役而治之。說文云。冀。北方州也。淮南子地形訓云。正中冀州曰中土。

注云冀大也。四方之主。故曰中土也。呂氏春秋有始覽云。兩河之間。爲冀州。晉也。注云。東至清河。西至西河。書疏引李巡云。兩河間其氣清。厥性相近。故曰冀。冀近也。釋名云。冀州。取地以爲名也。其地有險。有易。帝王所都。亂則冀治。弱則冀彊。荒則冀豐也。按鄭注。舜雖十有二州。云舜於舊九州外。分青州爲營州。冀州爲并州。幽州。至夏仍合爲九。則禹貢冀州。兼幽并二州之地。故說文以爲北方州。字从北也。史公說。爲自冀州始者。詩傳云。載始也。則史記下云。冀州既載。說爲冀州既始耳。馬注見釋文。云載於書者。春秋左氏僖六年傳云。載在盟府。注云。載。載書也。鄭注見史記集解。又見公羊傳莊十年疏。及書疏云。兩河間曰冀州者。用釋地文。云不書其界者。據下兗州有云。濟河惟兗州。海岱惟青州。已下諸州皆書其界。則此亦當以山河爲界。而不書之。使若廣大也。云時帝都之者。春秋左氏哀六年傳。引夏書曰。惟彼陶唐。有此冀方。注云。唐虞及夏同都冀州。疏云。堯治平陽。在冀州也。地理志云。河東本唐虞所居。詩風唐魏之國也。又平陽。應邵曰。堯都也。在平河之陽。郡國志太原郡晉陽。本唐國。注云。毛詩譜曰。堯始都於此。後遷河東平陽。平陽故城。在今山西臨汾縣西南。云使若廣大者。高誘注淮南云。冀大也。義與鄭同。云載之言事者。周書謚法云。載。事也。漢書載其清靜。卽事其清靜。云作徒役者。因夏本紀有奉帝命諸侯。百姓興徒以傅土。故云然也。

壺口治梁及岐

馬融曰。壺口山名。鄭康成曰。地理志。壺口在河東北屈。梁山在左。馮翊夏陽。岐山在右。扶風美陽西北。

於此言治梁及岐者。蓋治水從下起。以襄水害易也。

疏

馬注見釋文。鄭注見史記集解。又見詩周南召南譜疏。及書疏。引地理志者。漢志云。河東郡北屈。禹貢壺口山在東南。鄭

于北屈下脫東南。或省文。水經。禹貢山水澤地所在同。案北屈在今山西吉州。西山在州西南七十里。又漢志馮翊夏陽。禹貢梁山在西北。鄭脫西北。水經。禹貢山水澤地所在。云在夏陽縣西北河上。案夏陽縣在今陝西韓城縣西南。山在縣西北九十里。漢志右扶風美陽。禹貢岐山在西北。中水鄉。周太王所邑。案美陽在今陝西扶風縣。北山在陝西岐山縣東北十里。水經汾水注云。汾水南與平水合。水出平陽西壺口山。尚書所謂壺口治梁及岐也。此山在今山西汾陽縣西南。與地理志說異。云治水從下起者。書疏云。壺口西至梁山。梁山西至岐山。從東向西言之也。按梁岐是雍州山。而見于冀州。故云從下起。

既修太原。至于岳陽。

注

鄭康成曰。岳陽縣太岳之南。于地理

志太原今以爲郡名太岳在河東故縣廩東名霍太山

疏

修者廣雅釋詁云治也陽者說文云山南曰陽鄭注見詩唐風譜疏云太原今以爲郡名者地理志及郡國志

云太原郡在晉陽屬并州杜氏春秋釋例云晉大鹵太原大夏參虛晉陽一地六名案今山西太原府太原縣也云太岳在河東故縣廩者漢志河東郡廩霍太山在東冀州山案廩縣在今山西霍州西山在州東南三十里

覃懷底績

至于衡漳

注

史遷說底績爲致功馬融曰衡漳水名鄭康成曰懷縣屬河內地理志云漳水出上

黨沾縣大要谷東北至安平阜城入河行千六百八十里衡漳者漳水橫流入河

疏

覃懷者地里志河內郡有懷縣經云覃懷

者史記索隱云蓋覃懷二字或當時共爲一地之名按懷縣故城在今河南武陟縣西即覃懷也史公說底爲致者釋言文續爲功者釋詁文也馬注見釋文鄭注見史記集解又見周禮職方氏疏及書疏引地理志云云者漢志上黨長子鹿谷山濁漳水所出東至鄆入清漳沾縣大要谷清漳水所出東北至阜城入大河過郡五行千六百八十里與鄭所引略同而鄭不引濁漳以其入清漳略之也案沾縣今山西樂平縣阜城字或譌爲邑城今屬直隸河間府云衡漳漳水橫流入河者經典衡多與橫通水經濁漳水又東北過斥漳縣南注云魏太祖鑿渠引漳水東入清洹以通河漕名曰利漕渠漳津故漳水斷舊溪東北出涓流瀟注而已尙書所謂覃懷底績至於衡漳者也又北逕平恩故城西按斥漳故城在今直隸曲周縣東平恩故城在今山東邱縣西史記正義引括地志云衡漳水在瀛州東北百二十里平舒縣界也平舒漢之東平舒今直隸大城縣清漳水過郡五者上黨魏郡廣平鉅鹿信都也

厥土惟白壤

注

史遷厥皆作其馬融曰壤天性和美

也

疏

史公厥皆爲其下不更出馬注見釋文以壤爲天性和美者說文云壤柔也鄭注周禮云壤亦土也變言耳以萬物自生焉則言土土猶吐也以人所耕而樹藝焉則言壤壤和緩之貌然則鄭于此雖缺注義亦與馬同也

厥賦惟

上上錯

注

馬融曰地有上下相錯通率第一鄭康成曰此州入穀不貢賦之差一井上上出九夫

稅上中出八夫稅。上下出七夫稅。中上出六夫稅。中中出五夫稅。中下出四夫稅。下上出三夫稅。下中

出二夫稅。下下出一夫稅。通率九州一井稅五夫。

疏

賦者廣雅釋詁云稅也錯者詩傳云雜也馬注見釋文云通率第一者九州之中爲第一也僞傳云雜出第二非馬義鄭注見

書疏及王制疏云此州入穀不貢者王制云天子百里之內以共官千里之內以爲御注云謂此州之田稅所給也官謂其文書財用也御謂衣食周禮閭師疏引鄭志云田稅如今租矣王制又云千里之內曰甸注云服治田出穀稅千里之外曰采注云九州之內地取其美物以當穀稅據此知冀州畿內惟入穀稅也詩甫田疏引鄭志云凡所貢饌之物皆以稅物市之隨時物價以當邦賦周禮太宰以九貢致邦國之用疏云諸侯國內得民稅大國貢半次國三之一小國四之一所貢者市取當國所出美物則禹貢所云厥篚厥賁之類是也據此知餘州雖有厥貢之文不入穀準其賦之類賁土物以貢此州不言厥貢以帝都所需令有司市買不煩諸侯貢篚故入穀不貢也云賦之差一井上上出九夫稅者江氏聲云孟子云夏后氏五十而貢殷人七十而助周人百畝而徹其實皆什一也又云井九百畝其中爲公田又云惟助爲有公田是則夏制什一稅夫田不盡井鄭注周禮匠人備引孟子文而云周制畿內用夏之貢法稅夫無公田是鄭氏亦謂夏時無井田也此以井計者以九夫爲井差爲九等甚便故假以言之爾王制疏云以禹貢九州有上中下三等故以井田計之是也云一井上上出九夫稅者一井之中九夫各以所收之什一爲稅上中出八夫稅者謂通九夫共出八夫所收之什一爲稅以下至出一夫稅皆謂九夫通出其什一也詩甫田疏節引此注而以爲鄭欲品其多少無所比況遂以九井擬之以示稅之多少非其實稅之也是以其賦之輕重懸殊而疑其非實稅案左氏襄二十五年傳云度山林鳩鹵澤辨京陵表淳鹵數疆澤規偃豬町原防牧隰臯井衍沃疏引賈逵注以爲賦稅差品云山林之地九夫爲度九度而當一井也藪澤之地九夫爲鳩八鳩而當一井也京陵之地九夫爲辨七辨而當一井也淳鹵之地九夫爲表六表而當一井也疆澤之地九夫爲數五數而當一井也偃豬之地九夫爲規四規而當一井也原防之地九夫爲町三町而當一井也隰臯之地九夫爲牧二牧而當一井也衍沃之地畝百爲夫九夫爲井夫曰九度而當一井非即一井出一夫稅乎其九等之差正與此九等之稅同何見而疑此非實稅耶雖此是田賦與左傳通計山林等九者不同然周禮授民田有不易一易再易則田之肥磽固有相懸數倍者且如左傳所云九等之地九州皆有苟是

州沃衍之地多則統一州而計通率一井可得八九夫稅設是州山林蔽澤之地多則統一州而計通率出一二夫稅況其田有不易一易再易之殊則一井稅五夫者有九夫稅有一夫稅合之共十夫均分之則各五夫其八夫通二夫七夫通三夫六夫通四夫均之則皆然率一井稅五夫也周禮授民田不易者百數一易者倍之再易者三之通率三家而受六夫其野則六家而受十三夫其賦則惟計見耕之田而稅之通而計之則一夫之地惟稅五十畝故管子幼官篇云田租百取五卽此制也地力肥饒古今如一推之夏制田賦之法當亦一夫惟稅五十畝故孟子曰夏后氏五十而貢其實什一也熊安生禮疏云夏政實簡一夫之地惟稅五十是也

厥田惟中中

注

馬融曰土地有高下鄭康成曰

地當陰陽之中能吐生萬物者曰土據人功作力競得而田之則爲之田田著高下之等者當爲水害

備也

疏

田者說文云陳也樹穀曰田象四口十阡陌之制也爾雅釋文引李注云田陳也謂陳列種穀之處馬注見釋文云土地有高下者據地勢言之不論肥瘠也鄭注見書疏云地著高下之等者田之九等以地形高下分之不與賦同漢書敘傳

云坤作墜孰高下九則注引劉德曰九則九州土田上中下九等也是鄭本舊說且田之九等上者非肥下者非瘠溝洫志賈讓奏言若有隰澮則鹽鹵下濕填淤加肥故種禾麥更爲秔稻高田五倍下田十倍詩信南山疏引孝經注云高田宜黍稷下田宜稻麥是田之高下各有宜種之物故鄭云當爲水害備也江氏聲云崑崙高一千里九州在崑崙東南故西北高東南下雍州在西北田上上揚州在東南田下下推之餘州知以高爲上卑爲下也王肅等云土地各有肥瘠不應冀州中之田反出上上之賦雍州田上上反出中下之賦其說非是云地當陰陽之中者五行木火爲陽王于春夏金水爲陰王于秋冬土位中央王于四者之間是當陰陽之中也云吐生萬物者白虎通五行篇云土主吐含萬物土之爲言吐也云據人功作力競得而田之則謂之田者釋名云田填也五稼填滿其中也已耕者曰田周書多方云畋爾田是也

恆衛旣從大陸旣作

注

史遷恆作常說旣作曰旣爲鄭康成曰地理志恆水

出恆山衛水在靈壽大陸澤在鉅鹿北爾雅釋地八藪晉有大陸

疏

史公恆作常地理志亦稱恆山爲常山郡鄭注見史記集解及通典又見周禮大司

徒疏引地里志者。漢志常山郡。上曲陽。恆山北谷。在西北并州山。禹貢恆水所出。東入滹。靈壽縣。禹貢衛水出東北。東入庫池。水經云。滹水東過中山。上曲陽縣北。恆水從西來南注之。注云。自下滹水。兼納恆川之通稱焉。即禹貢所謂恆衛既從也。案上曲陽。今直隸曲陽縣。恆山在西北。恆水合滹水。在縣東北。靈壽。今屬直隸真定府。衛水在縣東北。又南流逕縣東。入庫池。鄭以大陸爲鉅鹿者。地里志。鉅鹿。禹貢大陸澤在北。案古澤在今直隸鉅鹿縣北。今則在新河寧晉二縣之交。此班氏及鄭氏義也。呂氏春秋有始覽云。晉之大陸。注云。魏獻子所居。又云。趙之距鹿。注云。廣阿澤也。是則秦時說大陸鉅鹿爲二處。春秋左氏定元年傳。魏獻子田于大陸。還卒于寧。注云。疑此田在汲郡吳澤荒蕪之地。寧今修武。近吳澤。書疏引杜氏春秋說云。嫌鉅鹿絕遠。以爲汲郡修武縣吳澤也。淮南地形訓。亦分大陸鉅鹿爲二處。然則爾雅既云。晉有大陸。注以爲趙之鉅鹿廣河澤。非也。禹貢大陸。亦當以晉之吳澤爲是。在今河南修武縣。水經淇水注。引晉書地道記曰。朝歌城。本沫邑也。紂都在禹貢冀州大陸之野。即此矣。水經濁漳水注云。自寧迄於鉅鹿。出於東北。皆爲大陸。則合大陸鉅鹿爲一。酈氏爲調停之說。疑非也。古說當從修武之大陸。

島夷皮服

史遷島作鳥。馬融曰。鳥夷國。鄭氏曰。鳥夷。東北之民。賦

食鳥獸者。

疏 史公島作鳥者。島當爲鳥。集韻三十二皓云。疊古作鳥。馬注見釋文。鄭注見史記集解及書疏。皆作鳥。疏引東北作東方。賦作搏。

夾右碣石入于河。**注** 史遷河作

海。鄭康成曰。戰國策。碣石在九門縣。今屬常山郡。蓋別有碣石。與此名同。今驗九門無此山也。禹由碣石山西北行。盡冀州之境。還從山東南行入河。治水既畢。更復行之。觀地肥瘠。定貢賦高下。

疏 漢書武帝紀詔

曰。東巡海上至碣石。注文穎曰。在遼西蠡縣。蠡縣今罷。屬臨渝。此石著海旁。水經禹貢山水澤地所在云。碣石山在遼西臨榆縣南。水中。注云。大禹鑿其石。夾右而納河。秦始皇漢武帝皆嘗登之。海水西侵。歲月逾甚。爲苞其山。故云海中矣。水經河水注。又云。河之入海。舊在碣石。今川流所導。非禹瀆也。周定王五年。河徙故瀆。故班固曰。商竭周移也。又云。漢武帝元光二年。河又徙東郡。更注勃海。是以漢司空王橫言曰。往者天嘗連雨。東北風。海水溢西南。出侵數百里。故張揖云。碣石在海中。蓋淪於海水也。案臨渝今奉天府西境地。

史公河作海者。集解徐廣曰。海一作河。酈道元既云夾右而納河。則入河亦是也。鄭注見書疏。云戰國策碣石在九門縣云云者。地里志常山九門。無碣石山。郡國志常山國九門。劉昭注有碣石山。引戰國策云。在縣界。今戰國策無此文。案九門今直隸薊城縣。無山可指。故鄭云。今驗九門無此山也。地里志瀋陽驪成大碣石山。在縣西南。案驪成。今直隸撫寧縣。屬永平府。蓋近臨渝。然則九門既無山可證。鄭云別有碣石。或以禹貢碣石在臨渝。今注脫文耳。

濟河惟兗州。史遷兗

作沅。鄭康成曰。言沅州之界。在此兩水之間。濟一作沅。兗一作沿。

疏

兗即沅字。橫水在上。隸之變也。經文下作沅。濟本字作沅。說文沅。沅也。東入于海。經

作濟。假音字。此濟出常山。房子贊皇山。名石濟。今在直隸。爾雅釋地云。濟河間曰沅州。注云。自河東至濟。公羊疏引李巡云。濟河間其氣專質。厥性信謹。故曰兗。兗。信也。釋名云。兗州取兗水以爲名也。晉書地理志。引春秋元命包云。兗。端也。信也。呂氏春秋有始覽云。河濟之間。爲兗州衛也。注云。河出其北。濟經其南。沅。沅州之濕地也。故以沅名焉。古文作沿。又作磨。鄭注見史記集解云。在此兩水之間者。亦如高誘注。河出其北。濟經其南也。

九河既道。

疏

馬融曰。九

河名徒駭。太史馬頰。覆釜。胡蘇。簡潔。鈎盤。鬲津。鄭康成曰。河水自上至此。流盛而地平無岸。故能分爲

九以衰其勢。壅塞故通利之也。九河之名。徒駭。太史馬頰。覆釜。胡蘇。簡潔。鈎盤。鬲津。周時齊桓公塞之

同爲一。今河間弓高以東。至平原鬲津。往往有其遺處焉。

疏

九河之名見爾雅。云從釋地已下至九河。皆禹所名也。曰徒駭。書疏引李巡云。徒駭者。禹疏九河。以徒衆

起。故曰徒駭。孫炎云。徒駭。禹疏九河。用功雖廣。衆懼不成。故曰徒駭。郭注云。今在成平縣。漢地理志。勃海成平。埭池河。民曰徒駭河。太平寰宇記云。滄州清池縣。本漢浮陽縣。徒駭河。九河之一。與清池相接。案成平在今直隸獻縣東南也。曰太史。書疏引李巡云。太史。禹大使徒衆通其水道。故曰太史。詩疏引孫炎云。太史者。徒衆。故依名云。釋文引或云。太史者。史官記事之處。元子欽齊乘云。太史在東光之北。成平之南。又云。當在清滄二州之間。明一統志云。太史河在南皮縣北。曰馬頰。爾雅釋文引李巡孫炎云。河勢上高下狹。狀如

馬頰也。通典云：馬頰在平原郡界。元和郡縣志云：德州安德縣馬頰河在縣南五十里。又云：平昌縣馬頰河在縣南十里。安德縣今山東德州也。曰覆釜。詩疏引李巡云：覆釜者，水多清，其渚往往而處，狀如覆釜。釋文引孫炎云：水中多渚，往往而有可居之地，狀如覆釜之形。通典云：覆釜在平原郡界。齊乘云：在東光之北。明一統志云：舊志所載有覆釜枯河，自慶雲經海豐縣南入海。曰胡蘇。詩疏引李巡云：胡蘇者，其水下流，故曰胡蘇。胡下也。蘇，流也。孫炎云：胡蘇者，水流多散，胡蘇然。地理志：勃海東光有胡蘇亭。水經淇水注云：清河東至東光縣西，南逕胡蘇亭。通典：滄州東光縣，漢舊縣。古胡蘇河在此。齊乘云：滄州之南有大連灘，西踰東光，東至海是也。今在直隸滄州。曰簡。詩疏引李巡云：簡，大也。河水深而大也。書疏引孫炎云：簡者，水通易也。史記正義云：簡在貝州歷亭縣界。歷亭，今山東恩縣。屬東昌府也。曰潔。書疏引李巡云：繫言河水多山石，治之苦潔，潔，苦也。釋文引孫炎云：水多約潔，輿地廣地云：簡潔在臨津。金史地理志：滄州南皮有潔河南皮。今直隸縣。曰鈎盤。書疏引李巡云：鈎盤，言河水曲如鈎，屈折如盤也。釋文云：李本作股。云水曲如鈎，折如入股，故曰鈎股。詩疏引孫炎云：水曲如鈎，盤桓不前也。釋文引郭氏音義云：甬般，今皆爲縣，屬平原郡。後漢書袁紹傳云：公孫瓚還屯槃河。注云：故河道在今德州昌平縣界，入滄州樂陵縣。今名枯槃河。通典云：鈎盤在景城郡。水經河水注云：大河故槃東出，亦通謂之篇馬河。故渠川派東入般縣爲般河，亦九河之一道也。元和郡縣志云：棣州陽信縣鈎盤河，經縣北四十里。太平寰宇記：滄州樂陵縣鈎盤河，在縣東南五十里。案樂陵，今山東縣，屬武定府也。曰甬津。詩疏引李巡云：甬津者，河水狹小，可隔曰津，故曰甬津。孫炎云：甬津者，水多阻狹，可隔以爲津而橫渡也。地理志：平原甬縣，不當以爲甬津。元和郡縣志：德州安德縣，本漢舊縣。甬津，枯河在縣南七十里。案甬縣故城在今山東德州北。詩疏云：徒駭是九河之最北者。甬津是九河之最南者。爾雅之文，從北而說也。太史馬頰鈎盤文，在胡蘇之上，則三者成平之南。東光之北也。簡潔覆釜文，在胡蘇之下，則三者成平之南。甬縣之北也。邵氏晉通云：按九河次第，詩疏以鈎盤列第四，覆釜列第八。陸氏釋文以覆釜列第四，鈎盤列第八。所見本異也。漢書溝洫志云：許商以爲古說九河之名，有徒駭、胡蘇、甬津。今見成平、東光、甬界中，自甬以北至徒駭間，相去二百餘里。今河雖數移徙，不離此域。水經漳水注云：九河既播，八枝已絕，遺迹故稱，往往時存。故甬盤列於東北，徒駭、瀆、聯、漳、絳，同逆之狀，龜分、陂障之會，猶存。是古說九河遺迹也。馬注見史記集解，鄭注見詩般疏。云：周時齊桓公塞之，同爲一河者。公羊疏引尚書中候云：齊桓之霸，遏八流以自廣。書疏引春秋緯寶乾圖云：移河爲界，在齊呂填，遏八流以自廣。是鄭說所本也。

雷夏既澤，灘沮會同。注鄭康成

曰雍水沮水相觸而入此澤中地理志曰雷澤在濟陰城陽縣西北

疏 雷夏既澤謂雷澤五帝本紀云舜耕歷山漁雷澤集解引鄭氏云雷夏兗州澤

今屬濟陰水經禹貢山水澤地所在云雷澤在濟陰成陽縣西北注云瓠子河故瀆自句陽縣西又東逕雷澤北澤在大成陽故城西北十餘里其陂東西二十餘里南北十五里即舜所漁也按句陽故城在今山東荷澤縣北雍沮水名爾雅釋水云水自河出爲灋許氏說文云河灋水在宋濮州南則宋地也史記正義引括地志云雷夏澤在濮州雷澤縣郭外西北灋沮二水在雷澤西北平地也按其水故道在今山東濮州河漫變爲平陸矣鄭注見史記集解引地理志與漢志同

桑土既蠶

鄭康成曰其地尤宜蠶桑因以名之今濮水之上地有桑間者

疏 蠶者說文云任絲也任同妊鄭注見詩譜疏云今濮水之上地有桑間者樂記桑間

濮上之音注云桑間在濮陽郡國志東郡濮陽劉昭注引博物記曰桑在其中

是降丘宅土

注 史遷作於是民得下丘居士鄭康成曰此州寡

於山而夾川兩大流之間遭洪水其民尤困水害既除於是下丘居士以其免於厄尤喜故記之

疏

史公降作下者爾雅釋詁降下同訓落降亦下也宅作居者釋言文也風俗通山澤篇引宅作度說之云堯遭洪水萬民皆山棲巢居以避其害禹決江疏河民乃下丘營度爽塏之場而邑落之故丘之字二人立一上一者地也四方高中央下像形也義與鄭同而云丘从二人與說文从北不合鄭注見書疏云夾川兩大流之間者謂河濟也

厥土黑墳厥草惟絲

注 馬融曰墳有膏肥也絲抽也草一作艸

絲一作繇

疏 馬注見釋文云墳有膏肥者鄭注周禮草人云墳壤潤解義相近墳肥聲之轉故漢地理志壤墳應邵讀墳爲肥太平御覽引倉頡解詁云繇繇多澤也墳音近繇云繇抽也者繇聲近繇說文粵木生條也玉篇作草木生條也蓋後

人因說文引商書顧木專柎之詞刪其草字生條即抽也草漢地理志作艸說文云艸艸木初生也繇若徹漢書借爲艸字也繇一作繇見說文引此經云草盛貌

厥木惟條

疏 條者詩傳云長也漢書集注云分也暢也

厥田

惟中下厥賦貞作十有三載乃同。注史遷載作年馬融曰禹治水三年八州平故堯以爲

功而禪舜是十二年而八州平十三年而兗州平兗州平在舜受終之年也鄭康成曰貞正也治此州

正作不休十三年乃有賦與八州同言功難也其賦中下乃一作迺

注

史公載爲年者經文本作年後人泥唐虞曰載之文盡改爲載也馬注見書疏

云十二年而八州平十三年而兗州平者史記河渠書引夏書曰禹抑鴻水十三年過家不入門今云治水三年八州平蓋并縣九年數之爲十二年與鄭異也鄭注見史記集解云貞正也者子夏易傳云貞正也云治此州正作不休者讀厥賦貞作爲句以作爲耕作也應劭注漢書云東作耕也蓋兗州被水害最深故成賦最後十三年乃有賦也江氏聲改鄭注中下爲下下云九州之賦當有九等參八州八等獨無下下此州當下下也則史記集解所引或誤作中下也乃一作迺見漢書地理志

厥貢漆

絲厥篚織文

注

鄭康成曰貢者百功之府受而藏之其實於篚者入於女功故以貢篚別之允征

云篚厥元黃昭我周王篚一作棐

注

漆當爲棐此假漆水字爲之說文棐木汁可以髹物周禮載師漆林之征注鄭司農云故書漆林爲棐林杜子春云當爲棐林絲者說文云蠶所吐也篚當爲匪漢地理

志引此作棐假音字說文匪器似竹篋篋車容也鄭注儀禮云篚竹器如笥者織文者玉藻云士不衣織鄭注云織染絲織之也說文云錦襄邑織文也按襄邑陳留縣水經淮水注引陳留風俗傳曰縣南有渙水故傳曰睢渙之間出文章天子郊廟御服出焉尚書所謂厥篚織文者也詩甫田疏引鄭志云凡所貢篚之物皆以稅物市之隨時物價以當邦賦是夏時以賦爲貢非貢外別有賦也鄭注冀州特言此州入穀不貢明餘州有貢皆無穀稅也鄭注見書疏云貢者百物之府云云者周禮貨賄入于大府王府內府之等嬪婦之功入典婦功典絲典枲之等夏官雖少于周當亦物各有司所入異處故云其實于篚者入于女功也引允征者史記集解引鄭注云允臣名詩鹿鳴傳引書曰篚厥元黃郭氏注爾雅引逸書曰釗我周王釗音同昭卽此文蓋孔壁逸十六篇鄭氏猶見之非今僞傳

允征也。云周王者。鄭注禮記云。忠信爲周。猶云平王寧王。非三代之周也。

浮土濟。澤達于河。注史遷達作通。鄭康成曰。地理志云。澤水出東郡

東武陽。濟一作洌。澤一作濕。

疏

濟字當爲洌。說文。洌。沈也。沈水出河東東垣王屋山。東爲洌。澤當爲濕。說文。水出東郡東武陽入海。桑欽云。出平原高唐。地理志云。平原郡高唐。桑欽言澤水所出。東郡東武陽。禹

治澤水。東北至千乘入海。過郡三。行千二百里。濕作澤者。假音字。案東武陽。今爲山東朝城縣。高唐。今爲山東高唐州。漢志言禹所治者。史記河渠書云。禹斯二渠以引其河。孟康云。二渠其出貝丘。西南南折者。即河之經流也。其一則濕川也。河自王莽時空。惟用濕耳。故班氏以爲禹所治也。經云達于河者。河之通濟在成。皋。水經。河水東過成懷縣北。濟水從北來注之。注。河水東經懷縣南。濟水故道之所入是也。案懷今河南武陟縣。澤之通河。在高唐。水經。河水過高唐縣。東注河水於縣。澤水注之。高唐故城。在今山東禹城縣西。澤水通河故道也。今大清河。即故濕。小清河。即故洌。過郡三。當爲五。五者。東郡。清河。平原。濟陰。千乘也。史公達爲通者。與廣雅釋詁同。鄭注見史記集解。鄭引地理志。澤水出東武陽。不引平原高唐。桑欽言澤水所出者。水經。河水注云。按穆天子傳。天子自五鹿東征。釣於濕水。尋其沿歷。遲遲。不得近出高唐也。桑氏所言。蓋津流所出。次於是間也。故鄭略之。水經注又引地理風俗記曰。濕水東北至千乘入海。河盛則通津。委注。水耗則微涓絕流。書浮于濟。澤亦是水者也。按千乘。今山東高苑縣地也。

海岱惟青

州。注鄭康成曰。東自海。西至岱。東嶽曰岱山。

疏

海者。東海。春秋左氏僖四年傳云。管仲曰。召康公賜我先君履。東至于海。岱者。水經。禹貢山水澤地所在。云岱山爲東嶽。在泰山博縣東。

北。詩疏引風俗通云。泰山尊曰岱宗。岱者。長也。萬物之始。陰陽交代。青州者。呂氏春秋有始覽云。東方爲青州。齊也。釋地云。齊曰營州。公羊疏引李巡云。齊其氣清舒。受性平均。故曰營。營平也。今爲青州。又引孫氏云。自岱東至海。詩疏引孫炎云。此蓋殷制。釋文云。爾雅。

營州爲禹貢之青州。矣。鄭注見史記集解。

嵎夷既略。注馬融曰。嵎夷。地名。用功少曰略。嵎一作禺。又作壻。夷一作鐵。

疏

嵎夷史記

索隱引今文尚書。及帝命驗。並作禹鐵。云在遼西。鐵古夷字也。說文。鐵。古文从夷。蓋緩讀之。卽爲夷聲矣。說文又云。嵎夷在冀州陽谷。立春。日。日值之而出。尚書曰。宅嵎夷。以嵎爲封嵎。山字則古文嵎。水从土。唐虞青州既兼營州。則當越海而至遼東。與冀州連界。故許

氏云在冀州也。略者說文云。經略土地也。廣雅釋詁云。略治也。經言略者。義當爲治。馬注見史記集解。以略爲濰。濰溜其道。云用功少者。漢書集注略簡也。高誘注淮南子云。略約要也。簡約是用功少之義。以在海外治之不多用功也。

史遷其作既。鄭康成曰。濰溜。兩水名。地理志云。濰水出瑯邪箕屋山。溜水出泰山萊蕪縣原山。溜一作

留

疏。濰俗字。漢志作留。周禮作留。說文無濰字。俗加水也。史公其作既者。經典通字。鄭注見史記集解。及詩譜疏。引地理志者。漢志

瑯邪郡箕縣。禹貢濰水北至都昌入海。過郡三。行五百二十里。兗州鹽也。說文云。濰水出瑯邪箕屋山。東入海。徐州浸夏書曰。濰留其道。案箕縣故城在今山東莒州。東屋山在州西北。過郡三者。瑯邪。高密。北海也。都昌。今山東昌邑縣。云溜水出泰山萊蕪者。地理志泰山萊蕪原山。溜水所出。東至博昌入涉。萊蕪。今山東縣。屬泰安府。博昌。今山東博興縣。地理志言入涉。鄭不引者。漢志言入涉。水經云。東過利縣。東又東北入于海。按水經注。留水經瑯槐故城南。又東北逕馬井城北。北與時繩之水互受通稱。又東北至皮丘沈入于海。是留水下流異名。且非禹貢及漢時故道矣。

厥土白墳。海濱廣斥。

史遷斥作渴。一作澤。下又云。厥田斥鹵。鄭康成曰。斥謂地鹹鹵。濱一作瀕。

疏

濱俗字。當爲瀕。漢書地理志作瀕。說文瀕水厓也。史公斥作渴。

徐廣曰。一作澤。又作斥。地理志亦作渴。渴當爲鳥。史記河渠書云。溉澤鹵之地。索隱曰。澤一作鳥。本或作斥。文選海賦云。襄陵廣鳥。注云。斥爲鳥。古今字也。周禮草人。鹹鳥用糴。注云。渴鹵也。是澤斥鳥三字通。俗加水作渴。鄭注見史記集解。云斥謂地鹹鹵者。說文云。鹵。鹹地。東方謂之斥。西方謂之鹵。

厥田惟上下。厥賦中上。厥貢鹽絺。海物惟錯。

疏

鄭康成曰。海物。海魚也。魚種

類尤雜。

疏。此州貢鹽者。爾雅釋地云。中有岱岳。與其五穀魚鹽生焉。春秋左氏昭廿一年傳云。海之鹽蜃。所望守之。管子地員篇云。齊有渠展之鹽。又云。煮濟水爲鹽。史記貨殖傳云。太公望封于齊。其地瀉鹵。通魚鹽。則人物歸之。絺者。詩葛覃傳云。

縞曰絺。縞曰綌。說文云。絺。細葛也。鄭注見史記集解。以海物爲海魚者。爾雅岱岳生魚鹽。周禮職方。兗州其山鎮曰岱山。其利蒲魚。故據以爲說也。

岱畎絲臬。鉛松怪石。

疏

畎一作畎。疏

說文。賦作。云水小流也。古文作。囀。篆文作。賦。釋文引徐本作。賦。谷。言。賦。作。囀。囀。即。谷。也。蓋。徐。本。作。賦。釋。之。爲。谷。釋。名。云。山。下。根。之。受。露。處。曰。囀。囀。也。吮。得。山。之。肥。潤。也。泉。者。釋。草。云。麻。也。馬。氏。注。喪。服。傳。云。麻。之。有。賁。者。鉛。者。說。文。云。青。金。也。怪。石。顏。師。古。注。漢。書。云。石。之。次。玉。美。好。者。也。

萊夷作牧

史遷云爲牧

地理志。東萊黃縣有萊山。春秋宣九年。齊侯伐萊。服虔注。東萊黃縣是。春秋左氏定十年傳。齊使萊人以兵劫魯侯。孔丘曰。裔夷之俘。亂之。注云。萊人。齊所滅。

萊夷也。云東萊黃縣是者。案黃縣今屬山東萊州府。作牧者。當以鳥獸爲貢。周禮太宰職。以九職任萬民。四曰。蠶牧。養蕃鳥獸。據徐州淮夷。玼珠暨魚。鄭注云。獻珠與魚。知此亦當貢其所牧也。

厥篚檿絲

史遷檿作

會

檿者。爾雅釋木云。檿桑山桑。注云。似桑材。中作弓及車轆。漢書注師古云。食檿之蠶絲。可以絃琴瑟。史公作會者。與地理志同。假音字。

浮于汶。達于濟。鄭康成曰。地理志

汶水出泰山萊蕪原山。西南入濟。濟一作涕。

鄭注見史記集解。引地理志者。漢志泰山萊蕪原山。禹貢汶水出西南入涕。汶水。桑欽所言萊蕪。今山東縣。云西南入濟者。水經汶水出泰山

萊蕪縣原山。又云汶水出泰山萊蕪縣原山。過壽張縣北。又西南至安民亭。入于濟。案安民亭在今山東東平州安山鎮。汶達于濟。故道在此。

海岱及淮惟徐州

鄭康成曰。徐州界。又

南至淮水。

釋地云。濟東曰徐州。書疏引李巡云。淮海間。其氣寬舒。稟姓安徐。故曰徐。徐舒也。釋名云。徐州。徐舒也。土氣舒緩也。釋文引太康地記。以爲取徐丘爲名。周合其地於青州。呂氏春秋有始覽云。泗上爲徐州。魯也。鄭注見公羊莊十年

傳。云南至淮水。不言海岱者。蒙上青州之注。徐州直青州之南。故云又南。

淮沂其乂

史遷又作治。鄭康成曰。淮沂二水名。地理志。沂水出今

太山蓋縣。

史公又爲治者。說文。雙治也。又省文。鄭注見周禮職方氏疏。水經注引鄭注云。出沂山。引地理志者。漢志。泰山蓋沂水南。至下邳。入泗。過郡五。行六百里。今沂山及蓋故城。俱在山東沂水縣西北。過郡五。當爲四。泰山成陽琅邪。東海

也。蒙羽其藝。

鄭康成曰。蒙羽二山名。藝一作蓺。

疏

地理志。泰山蒙陰。禹貢蒙山在西南。東海祝其。禹貢羽山在南。蘇所經。案蒙陰。今山東縣。屬沂州府。故城在新泰縣

東南視其今江南海州藝者廣雅釋詁云治也偽傳云種藝非也漢地理志作藝此加云俗字鄭注見史記集解

大野既豬注史遷豬作都鄭康成曰大野在山陽鉅

野北名鉅野澤野一作壘疏

地理志山陽鉅野大野澤在北水經禹貢山水澤地所在云在東北野作壘見漢地理志史公豬作都者鄭注檀弓云豬都也南方謂都爲豬周禮稻人以豬畜水鄭注見史記集解鉅野今

山東縣屬曹州府

東原底平

注鄭康成曰東原地名今東平郡即東原

疏鄭注見史記集解云東平郡即東原者史記索隱引張華博物志云兗州東平郡即尙書

之東原也釋地云廣平曰原說文云遼廣平之野人所登史記正義云徐州在東故曰東原水已去致平復言可耕種也

厥土赤埴墳

注鄭康成埴作戩曰戩讀曰熾熾赤

也

疏埴者史記集解徐廣云黏土也考工記注同鄭注見釋文云徐鄭王皆讀曰熾章昭音試云熾赤也見李善注蜀都賦廣韻韻作戩云赤土也加土俗字釋言云熾盛也說文熾盛也古文作戩火盛色赤故戩爲赤也

草木漸包

馬融曰漸包相包裹也漸一作薪包一作苞

疏漸者釋文云本作薪說文薪草相薪苞也引此文或作蘘包者詩傳云裹也釋詁云苞豐也馬注見釋文云相包裹者文選蜀都賦

云柯葉漸苞劉淵林注云漸苞相苞裹而同長也玉篇云薪草相薪包裹也疑用說文今說文薪包也包下當脫裹字

厥田惟上中厥賦中中厥貢惟土五色

注

鄭康成曰土五色者所以爲大社之封

疏鄭注見史記集解云所以爲大社之封者周書作雒解云諸受命于周乃建大社于國中其糴東青土南赤土西白土北驪土中央疊以黃土將建諸侯

鹽取其方一面之土以爲土封又見韓詩外傳云天子社廣五丈又云將封諸侯各取方土直以白茅以爲社釋名云徐州貢土五色青黃赤白黑也史記正義引太康地記云城陽姑幕有五色土封諸侯錫之茅土用爲社此土即禹貢徐州土也今屬密州莒縣也案姑幕今山東莒州

羽畎夏翟

注鄭康成曰羽山之谷貢夏翟之羽畎一作畎翟一作狄

疏夏翟者周禮天官有夏采注云夏采夏翟羽色